

Բարձր բարեձնունդ գերազնիս էմին աղայ,
իմ վաղեմի հաւատարիմ բարեկամ:

Երկոքին ախորժ թուղթ ձեր գրեցեալն ի 1788 և ի յունվարի 10, մի օրինակ, մինն ի վերայ Եւրօպիոս, իսկ միւսն ի վերայ Զուղայու ի միասին յայսմ ամի ի յունվարի 15, ի յերկիրն մալդաւանացոց և ի քաղաքն Եաշ մեծա պատուով ընկալաք, և բոլոր դիտմանցդ տեղեկացաք, և ի վերայ ցանկաչի առողջութեան ձերոյ տեղեկացաք: Ահա աստէն կամիմ զբարեկութիւն ի քէն գրեցեալ լրոցն պարզապէս և երկայնօրէն գրել վեհանձնութեան քում մինչև ցայժմ:

1780 թուոցն մեք ի Պետրբուրգ դիմեցաք վասն օժանդակութեան ի յազնիս աղայ Յովաննիսէն Եղիազարեան¹, կառուցեալ եկեղեցոյն², անդէն զգաք զշնորհս ծանօթանալ ընդ մեզ իշխանին, որոյ անունն կոչի քնէազ Գրիգոր Ալէքսանդրովիչ Պօտեմկին³, նման որոյ ի յամենայն դարս ոչ է եղեալ, երկվի որ ի դրան ուրուք թազաորի, մինչև ցայսօր ժամանակ բուն զօրութեամբ, արդեամբ և բանիւ: Եւ ի ձեռն շնորհաց սորա արժանաւորութիւն ընկալաք և մեծ կայսէրուհոյ հանդէպն կալ և վայելել զմայրական ողորմութիւն նորա, և զզանազան ողորմութիւնս ընկալնով, եղելոցն Կոնստանդնուպոլս, զորս բնակեցուցաք ի վերայ Դօն գետոցն հանդէպ Ազովու և զքաղաքն անուանեցաք երկրորդ և կամ Նոր Նախիջևան, որոյ հիմն մեծափառ կոնդակիս արկաք, այժմ օրբստօրէ պայծառանան անդ ժողովուրդք մեր և զբոլոր զօրութիւն մեր ի գործ արկանեմք բարեկարգել զքաղաքն, պայծառացուցանել զժողովուրդն, և զմալեցուցանել զհեռաւոր ազգս մեր՝ հաստատմամբ զպրոցաց և տպարանաց, որպէս և յէք ի թղթոց և ի մէնջ առաքեցեալ տէր Ստեփան աւաք քահանայէն մեռնէ⁴:

Սոյն մեծ իշխանս, ունէլով գութ ի վերայ ազգիս մերոյ, ի նոյն 1780 թուին կամեցաւ զթևս տարածել ի վերայ Հայաստանեաց՝ ի փրկել զնոսս ի յանտանելի լծոցն, որում դու ցանկաչիր: Ի մէջ բանից ասացեալ եղև նմա ի մէնջ ևս ի ազնիւ աղայ Յովաննիսէն Եղիազարեան զքէն և զջանից քոց և այլն: Նա իսկոյն խանդակաթ սիրով հրամայեաց աղայ Յովաննիսին գրել քեզ՝ շուտով գալ աստ, կարգել ի զօրսն և առաքել ի Հայաստան մեծ պատրաստութեամբ ենարալ Սուվորովին⁵:

Աղայ Յովհաննէան զգիր իւր քստ բարձրագոյն հրամանին նորին պայծառութեան գրեալ առաքեաց ի Հաշտարխան առ գուբեռնաթորն, ձեռամբ Դիւանչեան աղայ Մինասին⁶, զյատուկ սուրհանդակաւ առաքեցէն ի Զուղայ՝ հրաւիրել զքեզ: Նոքա անտի գրեցին, թէ էմին աղայն ի Տէր է փոխեալ, զի չէ կենդանի: Գիրն յետ էին դարձուցեալ: Եղև մեծ իշխանին և մեզ սրտմութիւն մեծ վասն անբախտ փիճակի ազգին մերոյ: Զկնի այնմ ի 1782⁷ ամին կրկին նորոգեցաւ բանն և զՎիրս ի միաբանութիւն ընկալան, և ի Վրացն խնդիրք եղեն և բազում թղթոց երթեկութիւն առ մէլիքսն և առ այլս, որոց արժանաւոր պատասխանսն ինչ ոչ ընկալան, և ի Վրացն զգուցեան, անդէն զզօրս իւրեանց յետս կոչեցին ի յեղիքէն Վրաց: Յայսմ պատճառէ վնասեցան և երկուքին մէլիքքն մեր՝ որդիքն մէլիք Աղասայ և Յովսէփի, մէլիք Մէլչումն և Ապովն, և այժմ տարաւիր ի Գանջալ ևն, զի խանն նոցա իմացեալ զմիտս նոցա միախալ ընդ Ռուսաց, կամեցաւ սպանենել նոքա ի Ռիֆլիզ փախեան, սպա մինչև ցայժմ ոչ ի նոցանէ և ոչ այլոց օղնութիւն ոչ գգին:

Եւ մինչ այս բան նորոգեցաւ և մեք ի մէջ բանից էաք լուեալ մեր զսուտ գորն մեռելութեան քո, գրեցաք ի Զուղայ, զի յայտնեցէն քեզ զվերոյ գրեցեալ դիմունս, յայնժամ քոյ ի Հնդեկս գնացեալ զոլով, կրկին տրտմութիւն և տարակուսանք պաշարեաց մեզ: Եթէ դու ի միջոցի այնմիկ լինիցէիր ի կողմունս այս, թարց իմիր երկբայութեան, փրկութիւն լինելոց էր ազգին մերոյ, առաջնորդութեամբ քով և խելամուտ հանձնարովդ: Յետ այսօրիկ բացաւ պատեհեալսն ընդդէմ թուրքաց, այս ամենայն ի մոռացումն եղև տուեալ և այժմ մեծաւ սաստկութեամբ կան ընդդէմ թուրքաց: Վասն մեծի զթոյ իշ-